


2015-imi silaannarsuarmik mingutsitsineq

2015-imi Kalaallit Nunaanni drivhusgassinik aniatitsineq CO²-mut sanilliunnerani (CO²-ækvivalent) 558.456 tonsimik annertutigisimavoq. 1990-imut naleqqiullugu 14,4 pct.-imik annikinneruvoq, 2014-imut naleqqiullugu 0,7 pct.-imik annertunerulluni.

Tamanna ”2015-imi silaannarsuarmi mingutsitsineq” Naatsorsueqqissaartarfiup saqqummersitaani takuneqarsinnaavoq. Saqqummersitaq Naatsorsueqqissaartarfiup nittartagaa www.stat.gl iserfigalugu atuarneqarsinnaavoq pdf-fiilitullu aaneqarsinnaalluni.

Kalaallit Nunaata drivhusgassinik mingutsitsinera pillugu ukiumut ataasiarluni FN-ip Klima Konventionianut (UNFCCC) nalunaaruteqartoqartarpoq, drivhusgassinik mingutsitsinerit ukunani pinngortartut nalunaarutigineqartarput ilanngunneqartarput; nukissiornermit, suliffissuaqarnermit, aalanngortunit, nunalerinermit, eqqagassalerinermit il.il. Nalunaarummut ilanngunneqartarput drivhusgassit ukuusut; kuldioxid (CO₂), metan (CH₄) aamma lattergas (N₂O) aamma drivhusgassit fluoritallit suliffissuaqarnermit pilersinneqartartut HFC aamma SF₆.


Silaannarsuarmik mingutsitsineq tamakkerlugu, UNFCCC-imut nalunaarutigineqarsimasut



Silaannarmik mingutsitsineq annerpaaq nukissiormissamit pisarpoq. 2015-imi nukissiornermit mingutsitsineq mingutsitsinerup 93,8 pct.-erisimavaat, eqqakkanit mingutsitsineq 2,6 pct.-iusoq, suliffissuarnit 1,9 pct.-iusoq, nuna-

lerinermit mingutsitsineq 1,5 pct.-iusoq kiisalu orpillerineq aamma nuna-minertanik atuineq 0,2 pct.-iusoq.

Drivhusgassinik silaannarsuarmik mingutsitsinerit, mingutsitsinerup suminggaaneerneranum immikkoortillugit



Drivhusgassit kisitsisitigut paasissutissani ilanngunneqarsimasut assigiinngit-sunik annertussusilimmik mingutsitsimapput. Kuldioxid (CO₂) mingutsitsinerup 94,0 pct.-ianik aleqarluni 2015-imi silaannarsuarmik mingutsitsinerpaajuvoq. Metan (CH₄) 2,5 pct.-iulluni mingutsitsinerpaat tullerivaat lattergas (N₂O) 1,7 pct.-imik annertussuseqarluni tulliuuttoq. Suliffissuarnit gassit aniatinneqartut (f-gassit) mingutsitsinermut 1,8 pct.-imik sunniuteqarput.

Silaannarsuarmik mingutsitsineq CO₂-meersoq annerpaaq ikummatissanit nukis-siornissamut atorneqartumit pisarpoq. Silaannarmik mingutsitsineq metani-meersoq assersuutigalugu lattergassimit aniasoq eqqakkat suliarineqarneranit annertunerpaaq pisarpoq, nunalerinermi metanimik mingutsitsinik annertulaartutut aamma oqaatigineqarsinnaavoq.

Paasissutissat annertunerusut kisitsisaataasivimmi <http://bank.stat.gl>-imi pissarsiarineqarsinnaapput uani: Nukissiuuteqarneq → Klima.

Paasissutissat annertunerusut Lene Baunbæk siunnersorti saaffigalugu pissarsiarineqarsinnaapput.

Inussiarnersumik inuulluaqqusillunga

Lene Baunbæk
Siunnersorti

Ilisarnaatinut nassuiaatit
... Paasisutissat pigineqanngillat
.. Paasisutissat tatiginanngitsut ilisarinnilersitsisinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffiginniffissaq
Lene Baunbæk
E-mail: LEBA@stat.gl

Nukissiuuteqarneq

Naatsorsueqqissaartarfik - Grønlands Statistik
Postboks 1025 · 3900 Nuuk
Oqarasuaat.: +299 34 57 70 · Fax: +299 34 57 90
www.stat.gl · e-mail: stat@stat.gl

